

CH L 558/86-13

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE


MAY 5 1932

古詩
卷之二
詞
集

丹徒韓州

題





序

古歡室詩集迺同懷妹伯淵所作也妹天資明敏淑婉
純和雍雍孝友生而已然經史詩詞過目成誦 先太
僕公鍾愛備至益罄所藏書藉俾朝夕游泳其中年甫
十齡痛遭失怙侍 母入蜀備歷艱險斯時諸妹弟均
皆幼穉惟妹居長奉親鄉居先意承志年將及笄課諸
妹以針黹授幼弟以詩書無不曲體親心暇耽筆墨尤
好吟咏旋以奉 母卜居浣花草堂以書畫自給妹隨
侍筆硯遂通繪事並以丹青運於女紅所繡山水花卉
翎毛無不酷肖精細入微故名滿蜀都蓋性之靈敏無

有過者繪則專於山水字則專於篆隸至於詩詞各體俱備全從性靈中流出古風則宗謝鮑近體頗類李杜諺云詩到窮愁而後工然則未也妹每深惡之所作皆真情真景悱惻纏綿情辭蕤蕤摛藻妍妍真全才全福之所宗也吾妹豈僅三絕已哉回憶浣花溪畔水木清華樓榭參差闌干曲折豪情壯采觴咏流連結社分題追歡如昨及其贅姻中表袁幼安妹婿乃江南名士無文不綜且酷好金石與妹同心和協風雅倡隨遂遍搜天下漢隸各碑親爲校勘裝粘成冊朝夕講求樂以忘憂妹之八分於是益加進焉至光緒辛巳從宦皖江主

持內政克勤克儉雖家務紛紜尤不廢書畫吟咏相夫
教子麟祉振振諸甥儒雅博學多能科第聯綿相繼蔚
起或作宰名區或蜚聲翰苑信乎饒詩書氣有子必賢
也余夙嬰疾病自愧無才弱冠家貧因貧而仕服官山
右蹤跡睽隔者垂二十年僅以郵筒往來詩詞贈會所
詣駸駸益進丙申春余服闋與幼安同官皖中鵲鴿忽
聚喜極霑巾詩社酒鐙殆無虛日今春權篆松滋妹隨
任桐川寄古歡詩詞索序於余儿四卷首日浣花集乃
浣花草堂閩中所作也鳴鸞集者乃鴻案相莊鹿車同
挽山川入閩由閩之皖以取同車合好鸞聲鏘鏘之意

也飛鴻集者乃隨宦皖江萍踪靡定以取鴻泥雪爪之意也浣月詞一卷聲情激越感遇深遠尤爲可歌可誦綜閱所作深情純粹溢於筆端蓋以妹之性鍾於情溫而雅故詩亦與之同深醞釀爰述其翫縷云爾

光緒癸卯仲春同懷兄旭初光煦作於松滋官廨

序

嶺山聳秀代產人文璇閣鍾英世傳名淑莫不辭標黃
絹曲譜烏絲書之硯北盡金屋之奇才選入江東卽玉
臺之新詠從未有綺情超雋旣播早歲之芳聲逸思清
芬復極才人之韻事如吾姊伯淵者殆其尤焉吾姊幼
擅清華長尤聰慧慰萱枝之孤影笑語晨昏榮荆樹之
五株時聆吟詠頌椒花於元日彩筆頻揮咏柳絮於風
前蠻箋初寫形摹蚪斗濫觴禮器之碑色染丹青追步
輞川之畫迨袁姊文幼安之贅於蜀也本范鄭之舊姻
聯鮑桓之佳耦劉嫺旣獨矜善秀徐悱亦早譽清新鑑

薰夕而共香鏡照塵而同影浣花堂畔互賡消夏之詞
芳草洲前共賦采蓮之曲斯則畫眉京兆讓此多能鼓
瑟楊郎羨茲嘉耦者矣泊乎鴛鴦左顧孔雀南飛神馳
閩水之遊目斷渝關之路鷗邊之月如畫塞外之天易
秋墮涼句於樽前吹淚痕於笛裏茫茫南浦我本多愁
黯黯秋江人能無恨嗣後風雲錯互魚雁久疎魯酒薄
不能消離逝之悲秦聲揚不能激沈鬱之氣心路咫尺
事阻山河古今所同慨也丙戌歲彥有姑蘇之遊道出
皖江忽復相覩離懷甫慰盈觴勸酬欣羅狂談樂說舊
事亟取吾姊所作而讀之雖零珪斷璧而已秀絕寰區

矣離筵初開別景如促執手一去填膺百憂忽忽數年
間復于郵中獲覩吾姊手訂諸卷或倡和平重閨或惆
悵乎遠道或挹峩峰之聳峭試譜新詞或覽巫峽之孤
高用陳官輒騷牢金石接宏響於杜陵滌繪風雲溯淵
源於樂府散瓊瑤之筆大半緣情留贈答之章無非懷
舊惟其至性真摯結想高超故能本纏綿悱惻之胸發
睿渺幽微之論洵可謂洪鍾一響萬籟無聲也已彥春
蠶絲盡寒蟹腸空偶爲側豔之詞問效西崑之體驚才
絕豔方矜長吉後身振翼傳音竊謂文通肖我他日泛
蜻蛉之舫欣鮑姊兮重逢聯桐鳳之吟喜劉家之競爽

閒出斯卷振笛歌之當令眾山皆響也

庚寅二月下浣同懷妹季碩彥作於蘇州滄浪亭虔恭
室

序

同治初年荃孫游於湯秋史先生之門時華陽曾吟村
太僕之配左恭人時來湯寓先生爲荃孫言庚子年誼
兼託葭苒遂謁恭人於城南青綾障下婁聆雅語諭知
恭人有二姊一適姚一適袁均擅詩詞書畫爲吾鄉盛
事恭人卜居萬里橋西與浣花草堂相望老屋數椽斜
枕流水波聲嗚咽遙通蜀江籠竹浮煙綠陰岑寂名流
勝地迄今猶形之夢寐恭人膝下四子五女鵷雛繞膝
聞者豔之繼而恭人長壻袁君幼庵入贅與荃孫序丁
酉世昆英氣妙才締交不暇再數年又見其五壻張君

子馥而三子蜀章亦英英露爽此皆在蜀時也洎荃孫
官京師幼庵己卯捷出宰皖省蜀章己丑捷子馥壬辰
捷均得京秩過從尤數後荃孫與掌院徐相不合乞祠
祿於鍾山幼庵官懷甯常通音問時選常州詞錄而閨
秀一門紅蕉冷雲兩集未睹全藁僅從選本錄入深以
爲歉今春鄂游遇幼庵於輪舶廿年別緒一旦傾寫方
論伯淵女士工書畫善詩詞有母氏風旋見眎古歡室
全集唐音宋派卓然名家蓋以冷雲爲之母紅蕉爲之
姑蜀章季碩爲之弟妹家學淵源流傳有緒根柢厚而
閱歷深自不同於嚶鳴以爲聲擘績以爲富者昔會稽

祁氏商夫人眉生有嗣音雲衣爲姊妹有張英修媯湘
君爲之女而錦囊綠窗等集未焚寄雲各草早已流播
藝苑再求之近代武進張翰風先生之女孟緹有澹鞠
軒集婉紉有綠槐書屋集若綺有餐楓館集而王氏采
蘋采蘩亦各成家一門之內風正相高上儗祁氏後先
輝映然以視古歡其家庭唱酬之樂則同而徽佩相莊
蘭玉競爽古今才媛不可多得之遇以一身兼之則又
獨異也荃孫行年六十日就衰頽文采消沈何足爲斯
編冠冕惟述四十年來離合蹤迹以寄感慨而古歡胚
胎前光獨秀彤史爰志欽佩且質之幼庵焉光緒甲辰

江陰繆荃孫序於雲自在龕

序

詩家至杜工部而稱聖然其詩以入蜀後乃益工蜀中
山水之靈蓬鬱以助其氣也工部生逢亂世閒關奔走
崎嶇戎幕繫懷君國慨念時艱故卽景物流連而悲壯
蒼涼寄其忠愛之志至於親朋骨肉患難分離故國鄉
關傷心觸目每一下筆則纏綿悱惻讀者爲之神往此
其過人之性自然流露固有不求工而工者所以推爲
千古絕唱也伯淵夫人蜀之名媛家在草堂之旁世篤
忠貞門有通德姊妹昆季皆以詩鳴於時蓋生於工部
寄跡之鄉而又得山水之秀靈氣萃於一門故其爲詩

能灑落凡近情深語摯真浣花之嗣音乎當其家園團聚羣季聯吟賦物寫懷則清微澹遠旣而于歸袁幼安大令筮仕皖江而諸妹分裾各隨宦轍伯仲亦京華謁選雁行遠道振翮分飛離合不常歡憂異候則凡唱隨之作離索之思音書之間靡不本其肫摯發於詞辭婉轉綢繆性真畢露杜家衣鉢獨得真傳境遇雖殊何神氣之絕似耶蕙纒於此事粗解問津曩讀君妹季碩桐鳳集已傾慕夫人之名舊歲外子權鳳陽府篆而袁公方攝令全椒相去僅數程乃得讀夫人古歡室詩朗誦焚香島拜不置以拙集方之直小巫之見大巫相形而

益拙耳辱承不棄索弁數言其敢以醜陋違雅命謹述
其大致如此世有讀夫人之詩者不啻讀工部之詩月
白風清恍若神游草堂間聆一曲仙坡不復憶箏琶凡
響矣光緒癸卯九月臨海女士屈蕙纒序

序

今使人以文采照天下而終其身無坎坷厯落之感且能篤祐其生平與其文辭并垂于不朽曠觀千古斯亦難矣左氏幽囚乃著春秋屈平忠勞爰作離騷馬遷廢棄憤述漢史揚雄投閣太玄是作厯觀古來沈鬱哀惋雄奇恣肆之作莫不由其人之境逆身幽爲之其境之逆身之幽在于其詞未發之先而其境旣逆其身旣幽則不得不抒所懷于其後然則欲其辭之佳者其人其遇可想也古人如此今人何莫不然丈夫如此閨中何莫不然蘇伯玉之詩秋子夜之調辭甚美矣彼其人何

足羨哉余之交薑室兩年矣清搏之夜佳氣滿庭頗聞
薑室語其家事蹟深知其家之爲興門薑室少小隨
尊人宦安徽舅弟十人無不稟承庭訓其受教於太
夫人者爲尤足多焉 太夫人姓曾氏蜀之華陽人也
才名藉甚于詩詞文賦書畫諸藝無所不精其從吾
幼安姻丈宦游皖南北也妙墨縱橫恆欹斜于古寺之
壁客郵之舍皖之人共樂寶之余與薑室同張氏甥館
于 太恭人前屬居降等然道遠莫由登堂爲壽今歲
辱蒙 太恭人賜書及畫余旣樂得之而藏之矣 太
恭人之詩余所未睹居恆每引以爲恨然自其書乃畫

例觀之心益識其詩之工也癸卯夏五端居多暇有以古歡室詩稿郵示屬作序又者展之乃太恭人自壯迄今所作都爲一集將壽諸棗梨矣余不佞盍敢辱題太恭人之詩然私淑薑室之言久時欲得一有憑藉者發而抒之以爲袁氏頌今邁此其何敢牢辭讀是詩溫柔敦厚不離乎風人之旨殆禮經所謂篤于詩教者歟風雅衰矣乃有斯作不圖永嘉之季復關正始之音觀于詩而知太恭人與吾幼安姻丈之流德孔長其子若孫方日以才望繼其家聲垂于千葉又豈與工爲競病習作尖叉者流爭長于一日哉茲非太恭人

一人之身根茂實遂孰使之然哉余又聞之 太恭人
之母家雙親俱以才德顯乃考太僕公以厚德不幸卒
世乃妣左太夫人者江南人卽薑室令祖太夫人之姊
妹行也左太夫人旣雅多才菽其子女又皆以妙才聞
于時左太夫人重其女恆欲一得快婿于是吾 幼安
姻丈首聘其第二女 太恭人是也餘亦得良耦以去
最小而才者歸于張氏卽吾子苾外舅所稱之五先生
是也吾外姑夙與 太恭人善于學業各有專精之處
兩姓弟兄一家姊妹雖在千里猶之一堂其性情之親
愛又可知也惟是豐于華者嗇于實吾外姑中年而逝

子無子息其旅櫬尙在蘇台未葬今春吾外舅又逝其
家僅存弱息養生送死仔肩無人華實不常可爲惋惜
故曰欲其詩之佳者其人其遇可想也兩人之身菀枯
若此以視 太恭人之相乃夫子撫有子孫兼擅才藝
者相去不啻天淵哉若 太恭人者可謂凡百加人一
等者矣此詩之存與薑室所以屬余序之之意與余所
以頌 太恭人之辭皆著明 太恭人之福德非常而
文辭之風雅又足以睥睨一世古之所謂窮然後工與
夫所謂不平則鳴者 太恭人殆矯其流弊者歟吾用
是爲 太恭人贊豈易言哉豈易言哉

光緒二十有九年癸卯夏閏五月儀徵嚴謙潤謹序

題辭

滿篋金緘壓繡絲一庭玉樹繞階墀神仙福分閨中備
姊妹才名海內知服到心形想劉柳運來腕力勝張芝
瑤篇足壯鷗波色火急刊行莫更遲

華陽靈秀說鄉邦城裏芙蓉錦作江桃磧中年龍過八
桐棲早日鳳成雙幸從江夏黃童手得聽陽春白雪腔
姑射神君在淮左定知疵癘一齊降

敬題

伯淵夫人古歡室詩集卽用

令嗣珏生太史見和之韻

寶甫易順鼎

毘陵自昔多才媛綺閣於今見大家三絕聲名傳竹素
一門風雅擷英華胸中煙景張春水眼底湖山杜浣花
我是江淹才盡日瑤篇快睹玉丁叉

頌椒詠絮尋常事宿慧如斯福所鍾一手能兼諸著作
雙聲久叶古笙鏞劉家三妹清於鶴荀氏諸郎氣似龍
天爲奇才破常例黃花一洗瘦時容

敬題

伯淵夫人古歡室詩詞集

上元秦際唐

絳都春

雲霞新組是舊日浣花雕龍機杼一片古香百斛清愁

穿珠語疎林落月懷卿句便江筆如花應妒抵他多少
芳情藻思悴春工賦 還慕璇閨豔福洞簫按鏡裏鳴
鸞對舞漱玉曼聲徐淑書名爭千古諸郎詞苑森旗鼓
但餘技阿孃分與灑然林下高風鳳毛幸睹

江夏張仲炘拜題

昔聞香茗賦今誦玉臺詩謝左才無敵齊梁體不卑諸

郎傳彩筆

令子植臣珏生季萊薑室壽均諸兒皆稟庭訓

一老和瓊枝

稿中有與幼

安姻丈酬答之作

并作雙聲集風流海內知

汝南公子好

謂薑室

寂寞憶平生頗有同胞契空懷拜母

情萊衣人遠近梅閣酒縱橫惜我空吟望臨風句不成

齊天樂

春風詞筆清冷語玉骨珊珊難並瘦損瓊枝寫殘花葉
 采筆從來馳騁清才易證是明月前身向人酬贈減字
 偷聲而今未減謝家興 佳兒佳婦曾見謂薑室仲芬夫婦都
 倚聲按拍賦成香茗玉簫吟秋金貌訴夜爾許風流誰
 倩欲休未肯算老去詞人教兒還賸可許吳儂占騷壇

一等

儀徵嚴謙潤拜題

浣

華

集

浣花集

華陽曾懿朗秋

擬鮑明遠數詩貽

蜀季章三弟

一種凌雲氣茂彥遇濬冲二月扇陽和杏苑驕青驄三
春花意酣蝴蝶飛重重四筵含甘醴歡樂永無窮五雲
舒皓日長嘯臨高風六合陶萬類百卉紛芳叢七寶飾
璠匣騰空劍化龍八斗文華富蜀都矜才雄九霄振雙
翩翱翔雲路通十載功成就蜚聲宇宙中

浣花草堂新營住宅山繞溪迴雜花翠竹好鳥嚶
鳴石瀨淙淙重閨靜逸偶擬三十韻以寫四時

佳景同

叔俊四妹作寄仲儀三妹

季碩五妹作寄仲儀三妹

板輿移向錦城東
杜老江村圖畫中
萬古詩魂何處覓
一潭春水碧融融

花市城南香霧穠
遊人如織馬如龍
家家載得春歸去

剩有青羊臥石墉

宅畔里許有青羊宮二月花市四方名花皆列於此香風十里爛熳成山

游士如雲無不滿載而歸可稱盛事

一篙新綠漲春江
垂柳初長覆畫舫
水閣臨流新雨後

斜陽紅射讀書窗

骨肉依依形影隨
聯吟伴繡傍萱闈
年來陡解相思意

別妹離兄各一涯

妝成攜手出庭闈小立花前露濕衣折得海棠還對鏡
花枝人面鬪芳菲

釀寒天氣杏花初旖旎春光畫不如新竹移來纔數日
隔窗翠影已扶疎

寒宵刻燭演連珠擊句爭先碎唾壺屈指流光春已半
等閑拋卻繡工夫

夢入西堂春草齊撩人詩興到深闈昨宵蘚壁新題句
雨點風圈著意批

雨過松陰落古釵遙山一抹碧於指杜鵑聲裏春將去
收拾殘英淨土埋

波光雲影浸樓臺詩社吟成醉綠醅笑語喧譁爭得采
百花深處奪魁來

纔得春來又送春愁如中酒黯傷神無言悄倚茶醺架
風散飛花香滿身

繡餘掃徑蕪蘭芬香篆氤氳噴白雲四月南風清晝永
棗花香膩隔簾聞

梅雨初晴煙樹昏鳴湍飛過小橋喧榴花豔奪紅裙色
芳草萋萋綠到門

扇裁月魄裂冰紈製就輕盈月樣團一覽江山歸掌握
好風聊借畫圖看

曉來清氣撲眉彎
青壓軒窗一桁山
倚檻無言風悄悄
自簪茉莉插雲鬟

水榭招涼屋似船
香風開徧一渠蓮
冰桃雪藕清無暑
人與荷花共鬪妍

小舟載月弄蘭橈
撐過前溪萬里橋
共製新聲消夏曲
菡萏花下坐中宵

一抹殘陽下樹梢
草堂清磬出林凹
隔溪浣女歸來後
修竹無風影自敲

長風百尺響松濤
小雨添溪畫舫高
采得芙蓉紉作佩
閒臨秋水讀離騷

波光雲影浸樓臺詩社吟成醉綠醅笑語喧譁爭得采
百花深處奪魁來

纔得春來又送春愁如中酒黯傷神無言悄倚茶醺架
風散飛花香滿身

繡餘掃徑蕪蘭芬香篆氤氳噴白雲四月南風清晝永
棗花香膩隔簾聞

梅雨初晴煙樹昏鳴湍飛過小橋喧榴花豔奪紅裙色
芳草萋萋綠到門

扇裁月魄裂冰紈製就輕盈月樣團一覽江山歸掌握
好風聊借畫圖看

曉來清氣撲眉彎
青壓軒窗一桁山
倚檻無言風悄悄
自簪茉莉插雲鬟

水榭招涼屋似船
香風開徧一渠蓮
冰桃雪藕清無暑
人與荷花共鬪妍

小舟載月弄蘭橈
撐過前溪萬里橋
共製新聲消夏曲
菡萏花下坐中宵

一抹殘陽下樹梢
草堂清磬出林凹
隔溪浣女歸來後
修竹無風影自敲

長風百尺響松濤
小雨添溪畫舫高
采得芙蓉紉作佩
閒臨秋水讀離騷

新月如鈎雲似羅共看牛女渡銀河年年乞巧針樓上
詩興爭於別恨多

石磴苔荒曲徑斜西風開徧女兒花爲憐潭水粼粼碧
自向磯邊學浣紗

杜老江邨秋更涼殘碑斷碣臥斜陽千秋事業歸詩卷
賸有吟魂伴草堂

宵來冰簟薄寒生風戰庭梧月有聲落葉打窗驚夢醒
零星殘句記難清

蜀山還似舊時青寂寂乾坤一草亭遍地海棠秋不管
寒蟬訴與月明聽

菊老楓丹霜露凝
豆籬結子架枯籐
鳴蜩莫漫催刀尺
人比秋花瘦不勝

吟罷詩籌又酒籌
寒飈匝地怕登樓
殘荷枯折芙蓉死
閑煞塘凹一葉舟

亂鴉爭樹噪霜林
風漱鳴泉雜暮砧
閑理絲桐寫秋意
任他風雨不關心

結伴探梅傍寺南
雪晴花放少陵龕
癡心每向花前祝
許我來身願作男

漫天風雪壓虛檐
梅蕊添妝豔寶奩
今日消寒逢九九
偷裁佳句賭新尖

去年花裏送征帆別夢依依繞翠巖無限離愁何處着
拚將詩句達琅函

旭初仲兄由蜀入都謁選見示邯鄲夢影圖賦詩
四章以紀之

人生苦離別况乃賦長征風沙渺萬里慊慊遊子情初
日散平楚朔雁流哀聲臨祖歡不暢贈言淚交纓送君
出門去伫立心屏營衝飈嚴以厲胡馬嘶且鳴悵望不
可見林表隱前旌蒼茫睇故宅老母倚柴荆
荆扉靄白雲隆思纏故里悽惻宦遊子行行猶陟岵晨
發蜀山阿暮憇涪水止朔風吹我衣飛塵緇我袂積雪

沒馬號陰寒損玉趾仰觀層崖峻俯察夕流駛聆此猿
聲哀中心愁靡靡不辭道途苦歲暮曷云已

辭家歲云暮風雪載征塗行行越燕趙春光轉靡蕪旣
經蠶叢險復歷劍閣嶮攬轡瞻帝京雙輪馳長衢山

花初吐豔澤柳漸榮敷頽日送輕轂夕煙暖前墟雲歸
鳥倦飛棲止邯鄲廬旅舍夜沈寂飛夢到邯鄲

邯鄲夢何之躡步登雲墀四牡臨廣路寶鏡鑿容儀神
飈拂翠旒遙指鳳凰池飛藿曜靈景彤霞自透迤昭昭
天宇濶浪浪風雲馳懷玉謁閭闔福祿君所綏少年眷
帝闕冠蓋相追隨勗哉修令德榮名以爲期

登樓迴文和蘊芳二嫂原韻

樓高瞰澄波遠峯青隱霧浮雲麗中天華日曜芳樹幽
蘭香被徑曉花寒滴露舟盪綠溪煙漠漠驚飛鷺游鱗
萃晴川戢羽思雲翥悠悠心婉孌蘊情寫毫素

魏小蘭姊邀遊桂湖謁謝公遺像

湖上隨肩步春遊景物鮮露花紅蘸水絲柳綠搓煙徑
曲疑無路山迴別有天空亭聊小憇把盞聽流泉
軒窗開四面陡覺薄寒侵桂樹連城暗松濤壓殿陰山
川餘霸氣風雨壯詩心謁罷謝公像愴然感古今

浣花詩社歌

浣花溪水何洋洋繞溪珍木鬱蒼蒼樓閣敞流各低昂
湘簾十二捲夕陽中有詩人清且揚芝蘭競秀雁成行
明月爲裾雲爲裳高談妙語翰墨香依依夢鎖春草堂
筆花燦爛生輝光麗句爭傳碧琳瑯浣溪風月富錦囊
松篁敲韻入瀟湘波光雲影皆文章染墨綺靡不可忘
詩情遙共海天長詩萬卷酒千觴吟咏之樂樂未央但
願人生歡聚永無荒千秋萬歲合與騷人共草堂

蓮花曲

水榭簾櫳人如玉鳴橈軋軋春波綠昨宵酒醉各題詩
今朝都賦蓮花曲粉痕欲墜紅妝淺清露如珠垂欲散

翠瀲清風蕩融融參差綠影雲塘滿蓮子花開水檻東
重疊掩映鮫綃紅秋羅拂水水紋縐香飄四座生荷風
碧塘搖灩多芳草白蘋斷處生紅蓼紫鱗水面吸蓮花
池邊日日來青鳥遙遙柳綠鎖湘煙蓮根蓮葉相鉤連
素藕絲柔情不斷露珠搖蕩非真圓銀浪金光蕩曉日
綠渠半掩桃花色簾波隔水夏雲生千里輕風總無力
杜宇啼殘春已歸交交灘鷺芳塘飛愁煞江干采蓮女
軟風吹香香著衣青絲繫船茱萸灣重開新筵不忍還
侍女低鬟進美酒坐中酒後皆紅顏月明滿地遙相望
魚戲蓮葉吸細浪佩環初解舞衣輕荷葉羅裙色一樣

歸來玉婢捧花蕊
采蓮夜夜得蓮子
一身花露溼雲衣
回首臙脂紅十里

秋夜

螢火依人點點飛
輕寒料峭不勝衣
紙窗月上玲瓏影
畫譜新添墨紫薇

流雲捲月鏡開奩
閑詠新歌昔昔鹽
秋興撩人眠不得
時聞蕉葉打虛檐

題吳侍御

鴻恩

歲寒登岱圖

寒飆凜凜木落稀
重裘不暖何爲衣
芒鞋踏破萬山雪
瀑泉澎湃瓊花飛
芙蓉朶朶插天際
青峰誰削如玉梯

欲尋勝境不辭遠
奚奴忍凍苦追隨
古殿崔嵬隱霄漢
朝光幻作青雲霓
松翠夾道蒸成雨
天風吹雪滿迦黎
謁罷神靈掃石壁
筆蘸雲煙信手題
巖籐花落風力緊
噉噉晴猿向人啼
暮靄暝濛日忽西
蒼茫一顧眾山低
眾山低風淒淒
落葉滿徑沒馬蹄
複嶂層巘路轉迷
山月盤旋送人歸
君不見奇人自古得
奇遇誰云翠屏千
仞不可躋

草堂寺賞梅同諸

弟妹作

梅花如龍粉牆隘
千枝萬枝出牆外
香風十里浮紫煙
梅根穿入少陵界
瘦影掩映青苔痕
冰霜鍊出道仙魂

春入梅花花不覺
亭亭玉立悄無言
千層細瓣作一花
千花一樹爭橫斜
萬花團成一千樹
樹樹迸作千層霞
霞光照耀綺筵開
冷香如海傾深杯
酒酣搖筆發高歌
杜老詩魂喚起來

春暮

百五韶光暮江城
物候賒鹿蔥猶吐
豔鷺粟漸含花日
暖晴蜂鬧風輕舞
燕斜籜龍已成竹
新綠透窗紗

題自繪山水繡枕

楊柳毵毵拂畫橋
綠陰如霧黯魂銷
買絲繡出春江景
贏得新詩豔六朝

雨餘嵐翠撲人衣
小閣松濤捲夕暉
三兩峭帆天際落
隔江雲影挾山飛

遠山爭與詩心瘦
獵獵西風木葉摧
涼月四山關不住
秋聲尋到枕邊來

夢回紙帳影珊珊
寶鴨香濃夜未闌
人影花香兩清絕
霜天月地不知寒

七夕

碧天如洗青茫茫
菡萏承露金莖香
鵲橋橫度夜清淺
銀河低轉繞建章
仙風飄拂霄漢玉
繩斜繫秋雲涼
石欄閒凭葛衣溼
安排瓜果開瑤觴
金鍼我欲乞靈巧

筆花萬丈騰光芒雲輶寶輦杳何處但覺僊佩鳴鏘鏘
須臾雲散眾星出伯勞東去雁南翔

送孟昭大姊歸新都同遊桂湖時值仲秋桂花正

開

秋風一夜來桂湖天香馥郁飄雲衢虹橋跨水水飛動
湖光如練煙中鋪煙中詞客數來往三尺綠波搖畫舫
雙槳劃破碧琉璃白鷺驚飛時三兩半山偃蹇露華泣
峭風吹花浮水面遊魚吸水并吸花樹影亦爲魚吞嚥
桂樹轉東舟轉西樹梢直與城堞齊金粟飄香氣鬱蔥
歸鴉如墨釀霜啼桂葉凌雲蒼且碧斜陽穿樹紅於血

花光黃暈眞珊瑚襯以粉牆成五色色映亭臺生輝光
鳴篴深護清暉堂闌干倒影池清淺枯荷數柄留古香
記得去年嬉好春芳草如茵蹋軟塵風光轉眼千萬變
人生聚散等浮萍新詩吟罷酒頻傾與君小別心緒縈
不知明月幾時有冰壺一洗襟懷清

憶梅曲和 慈親韻寄仲儀三妹

霜滿檐牙蟾魄冷碧梧飄盡凍金井角聲吹斷隴頭雲
惆悵江南芳意迥曾記閒庭春夜春月溫花暖人同影
一聲長笛落紛紛掃來葬向孤山頂而今芳信天涯遠
人瘦如花花不管幾度巡檐幾度思醉吟擊碎琉璃醜

昨宵夢入羅浮裏香霧朦朧迷芳芷溪南溪北盡是花
一片香魂飛不起翠羽啾啾窗月白栩栩仙夢酣成蝶
殘燈一點可憐紅魂黯黯兮情脈脈

題吳侍御

鴻恩

驄馬導輿圖

驪歌三唱別燕京親奉版輿按轡行萬里歸程班馬健
一鞭斜日錦衣榮雲飛遠岫風無主樹捲秋濤月有聲
回首 帝城凝望處大椿深蔭玉堂明

文章勁節獨高標闕下陳書動九霄諫草葱茸離翰院
慈雲靉靄度軒輶函關風雪詩魂壯巫峽波濤歸夢遙
故國山林春正永斑衣戲彩樂陶陶

再題望雲就日圖

遊子意無限長歌歸去來帝鄉紅日近親舍白雲隈忠
孝千秋業文章八斗才西風征馬健轉瞬到燕臺

園中海棠盛開招靜專從妹小飲

幾日春陰濃海棠睡已足和風灑然來花氣蒸入幕開
簾惜無香穠豔早奪日絳萼含葳蕤清影顫撲簌宛如
紅霞紅不枉綠章綠容顏本無偶觀者苦多俗幸有故
人來相與訴衷曲握手談新詩開樽倒金谷對此良辰
景惟有醉醺醪君醉倘欲眠抱此花魂宿

題自繪山水便面

煙中聞人語漁艇出叢篠乾坤一草亭俯觀天地小
林風捲怒濤山氣蒸成雨翩然一葉舟掉入湘煙裏

病後憶季碩五妹

扶病拏帷步微吟養性真秋花閒似我新月瘦於人鍊
藥燒紅葉焚香倚綠筠不堪回首處離緒滿江津

五妹于歸

江津學署

秋閨雜咏

聞道秋已來不解秋何處蟲語透窗紗卻識秋來路
閨中不知愁偏愛秋光好山色瘦於人依依出林表
彩線壓金縷天孫錦製襦折枝花樣巧繡出九秋圖

課餘北窗涼閒坐蕉陰裏碎搗鳳仙花猩紅染玉指
雁字摹雲影疎林醉夕陽靡蕪香已減舊夢冷池塘
梧葉鳴風雨深閨人自清不解歐陽子何故作悲聲
雨餘霜氣清天半綺霞絢旭日透湘簾桂花香一綫
紅暈海棠絲開徧苔階縫採之爲膏沐露濕鞵頭鳳
霜風吹白雲雲擁山將去葉落莫鴉啼一片秋無主
今日題糕節茱萸插滿頭相邀諸女伴攜酒上南樓
爽氣挹南軒登臨閑煮酒酒後共聯詩高吟落星斗
買得菊千本幽香護碧紗工詩兼善病人影瘦如花
瘦骨怯風尖經秋病暗添藥爐煙不斷香霧漫書奩

絡緯鳴金井涼蟾月一痕柳絲秋後髡縮不住離魂
採菊當朝餐神清靜若蘭海棠開謝後閑殺石闌干
闌影瞰波光枯荷餘古香西風漫搖落留得護鴛鴦
萬木澄波影花潭冷畫圖爲憐風景好潑墨寫南湖
涼飈動木末芙蓉漾寒碧一掬胭脂淚欲摘不忍摘
詩鍊花魂瘦鬢爭蟬翼輕繡餘無個事花下坐調笙
滿園滴滴金擷衣採花蘂帶露釀醑醪寒香清玉齒
蘿月散清影松風鳴晚濤亂蛩聲不住秋思上吟毫
刻燭分新咏吟壇得意先譜成冰雪句隨意寫蕉箋

寒夜病中懷季碩五妹並寄旭初二兄京都

藥裏經編年復年寒宵炯炯未成眠
窗紗月落花留影
砧杵風高霜滿天竹徑蕭條人去後
松齋寂寞鶴相憐
不堪一枕秋聲裏敲碎愁心欲化煙

修竹扶風罨綠苔重閨深護獨徘徊
惠連空憶西堂草
驛使頻傳庾嶺梅月夜無眠心恹惚
雲山遙阻夢崔嵬
何時共掃寒窗雪小閣圍爐醉綠醅

重簾不捲曲瓊單雁字書愁入廣寒
淚點著衣濃似酒
箴言遠達臭如蘭情深始覺飄零易
病久方知立命難
人比瓶梅消瘦甚窗前長伴影珊珊

浣淚書成欲寄誰天涯有妹隔江湄
心縈潭水波千尺

夢冷關山月半規
卻病怕吟屈子賦
多愁徧愛杜陵詩
可憐一點寒燈影
照我年來怨別離

鳴
鳳
集
卷
六

鳴鸞集

華陽曾懿伯淵

擬劉文學感遇

龍門有孤桐百尺高無枝危柯厯漂霰直幹盪輕颺下
有鷓鴣鳴上有丹鳳栖琴摯施斧斤緯以冰蠶絲高堂
列華燭揚聲清且奇湘靈和瑤瑟楚客吹參差何以昭
德音載登清廟詩

擬魏文帝遊宴

西園式嘉宴飛閣何森森俯矚太液池涼波滌煩襟蘭
芷被輦路芙蕖媚深潯觥籌樂無極四座萃華簪有客

下卷三言集 卷二
一
瑯琊來爲我彈鳴琴素鱗游淺瀨栖鳥舞深林皓月浸
丹墀清風薄朱帷眾賓渺雲散端居有所思

雪後游武侯祠

道出西南隅結伴訪名勝北風吹朔雪宇宙似晶瑩疎
林綴瓊花玉壘凍雲凝一望白無際萬象瞭如鏡骨瘦
偏耐寒攬景鼓豪興肩輿繞平疇細草綠相迎巋然丞
相祠翠栢參天映遙遙望闕宮盤盤走石磴城高雉堞
簇屋密魚鱗迸怪石蹲獅怒深竹籜龍橫迤邐度禪關
曲折入幽徑叢桂冬尙榮積苔寒更艷池清魚可數虛
闌閑共凭遺像肅丹青忠魂古今亘事業垂千秋空有

荒陵剩松栢晚蕭蕭
濤聲雜鐘磬游眺興未闌
淒涼發歌咏留連竟忘歸
歸途夕煙暝

園中丁香碧桃盛開偕外子幼安賞花於百花潭

上

嵯山雪赤城霞天風一夜渺無際
轉眼散作園中花我爲惜花常起早
曙氣烘花花窈窕碧桃含笑丁香穠
露種雲栽逾嬌好好花見我如相識
絲雨洗出傾城色似將膏沐鬪新粧
婀娜香魂帶雲濕良辰助我具樽酒
畫舫亭亭花溪口長堤斜通萬里橋
花枝掩映垂絲柳新詩一首酒千杯
座中君是謫仙才錦江花月春如海
疑

訪桃源靈境來

消夏擬子夜歌

郎欲卻塵暑妾織冰絲綃冰綃何足重高情屬雲霄
曉起傾荷露露珠圓復碎掃葉自烹茶清香沁詩肺
芰荷製爲衣芙蓉紉爲裳臨風讀楚騷餘音繞瀟湘
褰裳涉蓮舟雙槳盪花蕊祇恐薄驕陽呼郎藏花底
樹捲急雨飛山擁蒼雲怪倚樓望八荒天然米顛畫
窗外植芭蕉蕉葉綠如洗裁作錦茵眠涼夢墮秋水
幽鳥驚殘夢夢醒心猶倦小鬟解人意伫立頻揮扇
芳餌引遊魚投綸不忍取底爲不忍取魚亦畏炎暑

幽篁拂涼風掩映碧無痕
隱坐敲詩句題向修竹根
折花助晚妝花面交相映
低頭悄無言照水插雲鬢
高梧影重重涼月玲瓏上
石畔撫鳴琴韻和幽泉響
風露滿中庭坐久雲鬟濕
得句嬾揮毫倩郎代記憶

七月七日詠牛女同季碩五妹作

繭雲舒青闕眉月媚朱櫳
蔓草零絲露薄林振肅風
躡衣臨華軒徙倚睇曾穹
靈耦亘離析迭歲一相從
修波阻歡愛清溟隔音容
七襄不報章羅紈失舊踪
彌年形幽獨今夕心始雙
懽會未展顏紆鬱復離悰
盈盈星漢迴脈脈雲幕空
綺靡戀故侶悄恍轉飛龍
馳情遙凝伫

怒焉情義重

趙佩芸夫人聞余將有遠行特來敘別時秋菊盛

開

秋風蕭瑟秋陰沍菊花開遍秋將暮頻年別恨彌胸襟
瘦影如花花亦妒西風吹起碧雲痕忽然有客來欵門
與君久別忽相見不覺傾倒開清樽卻嫌枝葉太繁瑣
花意闌珊真似我談詩竟夜清無眠幽花脈脈露盈朶
知君晚節留芬芳傲骨嶙峋情意長澹音閣著詞千首
稜稜霜氣浮詩囊嗟我感恩兼惜別話到離情淚霑臆
閩海巫山路幾千從此遠行腸百結

佩芸夫人風雅宜人兼工詩詞幼操

栢志今近古稀著
有澹音閣詩詞集

旋閩別親

生小依依骨肉親
天涯忽已轉雕輪
明知久聚愁言別
故作歡顏強對人
燕寢何時承色笑
鹿車從此歷風塵
親心更比兒心切
隔夕先看淚滿巾

一曲驪歌百慮攢
思親容易侍親難
夔關雪冷魂先怯
巫峽雲深夢亦寒
雁影無端重聚散
魚書從此望平安
臨歧無限傷心淚
忍到鴛輿細細彈

歲暮旅懷

歲事崢嶸逼風嚴
客路遲愁多難縱
酒心碎不吟詩古

驛臨江立寒梅故里思遙知
鐙火夜姊妹計行期
朝夕山迎送輕舟指峽門
野橋人喚渡險岸樹盤根
江
濶澄霞影波平定月痕
夜來心膽怯共坐倒芳樽

舟過大佛巖

山頭一雨作膏沐洗出千重萬重綠
林容燦爛江聲高
古刹莊嚴枕山麓繫纜凝碧灣
石潤青苔斑欵乃一聲
山谷應千帆影落夕陽間
仙人低鬟靜相對但覺撲面
皆青煙青煙飛不斷石磴石鏡互迴轉
碑披蚪蚪奇樹
種菩提滿忽然萬壑奔驚雷
青天倒掛銀河來飛流直
下一千丈晴雪滾滾晶簾開
枯藤濃染赤龍血古楠迨

還作人立暗淵風號虎氣腥深菁暮捲猿聲急前山嵌
古亭後嶂開錦屏扁舟一葉泛萍梗大江日夜無留停
宛疑人在鏡中坐相對共訝鬢眉青我今隨君掉客帆
行程始至大佛巖明早掛席東南去一片疏鐘送過山

途中同外子作並和其韻

新詩旖旎比花濃阮籍才高不易逢詞賦輸君騰藻采
江湖笑我伴行蹤迢遙客路催征雁狼藉清樽解渴龍
五夜青鐙須努力置身應在最高峯

江風凜冽動船旌無奈辭親作遠行世態炎涼雲影薄
客囊蕭索水痕清笛聲吹破陽關夢梅蕊凝寒故國情

百韻詩集卷二
五
同賦羅浮詩百首與君杯酒話殘更

巫山高

巫山嵯峨插天表絕頂寒衝滅飛鳥山腰環合氣氤氲
晴風吹空散白雲山腳壁立水勢奔水如倒瀉湧千軍
灑灑石嶙峋驚濤拍天聲遠聞我今別親辭蜀都高山
流水感離羣思親憶妹淚紛紛淚灑巫峽水隨波流到
東海潯含愁對明月明月送人千里別故鄉回首日以
遙側身西望長太息

舟過巫峽見十二峰高插霄漢神女峰尤爲纖麗
峻峭神女廟在山之巔

琅琅天風壯嗟峨十二峰飛雲翔婉變懸瀑響琤淙景
富詩偏迥愁多夢亦慵纖穠宋玉賦千古憶仙蹤
壁立雙峰合真成一線天煙鬟浮翠黛霞彩媚華嶺人
語隔山應江流急箭穿楚王今已渺神女爲誰妍

由夔府溯流而下山峽險峻古蹟甚多詩以紀之

白帝城高瞰大江春雲吹暖木蘭艘驚心高浪虎鬚口

危石崢嶸激怒瀧

虎鬚灘在夔府東遙望怒濤高數丈響聲如雷

八陣雄圖餘壘蟠臥龍遺廟枕狂瀾

八陣圖在府南壘石爲之武侯廟卽

在八陣臺下

斷雲壓雨過魚復一舸洄旋飛過灘

舟過虎鬚幸遇風利

卽過旋

扁舟又遇石尤風
亂艇爭停灩澦東
急浪拍天天罽水
一輪旭日出波紅

西望鄉園倍愴神
鵑啼愁殺別離人
艱危鳥道悲行旅
石骨巉巉不見春

三峽猿聲盡日啼
片帆風健過瀼西
驚崖駭浪重重隔
歸夢何由到浣溪

白鹽赤甲隱雲霧
白鹽赤甲山極奇峻在奉節縣東
回頭苦憶經行處
東風吹送出三巴
遙見歸州附郭樹

過歸峽

兩峰張袂舒千帆
出其口大風起長噫
江聲半空吼枯

木怪鴟啼危巖驚狢走苔濃碧煙凸石古紺雲醜蕭寺
疏鐘來佛幡出杉柳杜陵塞外歸曾此醉尊酒爲問峽
江詩至今猶在否

雨中看彝陵諸山

層巒各貢奇爭出無後先如行蠶繭中一步一回旋前
峯甫紆迴後嶂又隱現望中路疑斷曲處帆自便畫幃
捲千疊錦屏開四面草木散空寒風水逞詭變雲騰釜
上氣雨捲天邊線村暗人獨行灘險石長嘯雙燕忽飛
來帶得桃花片

柳關道中

山齋三言集 卷二 七
幾處漁家聚作村牽蘿爲屋網爲門煙籠疏柳含生意
浪刷平沙認漲痕山色蒼茫平楚濶河流浩渺夕陽昏
晚來極目情無限惆悵天涯遊子魂

扁舟一棹繫垂楊風景依稀似畫張麥掩平疇舖綠錦
寺藏疏樹露紅牆小灘水落萍魚賤村店人喧秫酒香
回首芙蓉城不見白雲深處憶家鄉

卽景

梧桐庭院碧陰滿桐花香撲幽人館幽人養疴意態慵
罷妝鏡掩青芙蓉迢迢長晝漏頻轉悄倚疏簾品茶薜
一陣涼風送雨來攪碎爐煙和雲捲

滿城爆竹隔院笙歌佳節相逢離懷倍切况復春
歸楊柳庭開姊妹之花夢冷池塘綠遍相思之
草 慈雲萬里親舍云遙雁序分飛晤期安在
撫今追昔感觸無端偶用外子和友人周少華

原韻以誌之

宿醒易醒愁難醒羯鼓風高聲不停心織垂楊千縷綠
夢回芳草一池青思親路迴魂飛苦憶別情深性未靈
姊妹故園相聚夜天涯遊子獨零丁

鸚鵡簾櫳喚夢醒輕寒料峭雨初停春衫色染湘波綠
畫譜新添山黛青欲浣愁腸憑酒醉重拈險韻擅心靈

羨君各鬪生花筆橫掃千軍勝五丁

酬少華夫人李佩蓀女史和前韻仍疊原韻答之
傳來妙句解愁醒助我微吟興未停風動竹搖千个綠
雨餘天漏一痕青閒窺雲影清思慮靜聽松濤養性靈
古調陽春更唱後傳牋頻遣掃花丁

綠窗遙憶薄醲醲談綺論文夜不停裁句紗籠春影碧
揮毫池湧墨潮青人無離別心常坦胸有才華性自靈
愧我雕蟲原小技半生略解識風丁

數詩

一自別西川駕言泛蘭舟二水夾明鏡山河恣壯遊三

峽起長飈驚濤連天浮四愁寫鳴弦泠泠含清秋五夜
猿嘯哀鬱紆集叢憂六翮思凌霄愧我薄質柔七星明
寶鑑華妝雙影傳八珍進嘉饌芳醕滴金甌九畹同心
蘭芬芳結綢繆十千沽美酒滌盡一襟愁

閩南竹枝詞八首

綠天清絕靜無譁甘露花開紅映霞一桁湘簾閒不卷
倚闌細品武彝茶

紙鳶掩映碧天心稚子歡呼鬧隔林三月薰風春晝靜
市聲高捲女兒音

病

閩中炎熱最早以兒童每於清明時以紙鳶爲戲使得清靈之氣以免疾

窄袖纖腰黑練裙香花堆鬢髻如雲壓肩鮮果沿街買

貿易歸來日已曛

閩中凡耕田挑負貿易者半是婦人

阿儂不管苦炎焔玉骨輕盈稱碧紗靜日甌蘭香冉冉

素心人對素心花

閩蘭開於夏秋素心翠葉香豔異常

曉妝慵與鬪時新淡掃雙眉不染塵一陣香風濃欲醉

隔簾喚到賣花人

避暑楓亭酒半酣玉奴纖手擘冰蠶紫綃絳雪丁香顚

飛騎何須到嶺南

福州楓亭產荔枝最佳香山曾以紫綃絳雪等名品之

龍鬚席子琉璃枕涼月窺人人未寢瑣瑣紗厨茉莉風

香浸玉臂羅衣冷

閩南炎熱夜間潮漲則甚涼

盤龍寶髻簇流蘇紅袖買春攜玉壺怪道冰肌甘耐冷
嚴冬猶自赤雙趺閩中女子撫媚者多然雖至嚴冬不襪亦不覺其寒奇矣

閩中憶別呈外子都中

錦江春色好花擁玉堂深風雨滿天地離懷感古今三
更遊子夢萬里老親心苦憶牽衣別啼痕尙在襟

海南芳信早梅柳著新年丹橘初頒賜朱櫻已薦鮮身
安心不泰愁重酒難填夢到花潭上春風響杜鵑

枕函昨夜淚不見故鄉人啼夢兒驚喚家書雁寄頻蠻
音山鳥語異味海魚新三月已揮扇炎蒸不算春

夫婿遊京洛鵬程萬里賒黃門控天馬御苑喜簪花錦

織迴文豔詩題醉墨斜願君崇明德不敢惜年華
家貧爲客早忍淚別高堂患難同心共詩書夙願償盤
餐野薺脆饗醴醴泉香菽水何時供春暉日正長

自君之出矣

自君之出矣鎮日垂簾旌香留隔夜篆心念舊時人
自君之出矣玉壺慵買春春寒侵翠被暫別愁方新
自君之出矣不忍畫雙眉春風將別恨偷上綠楊枝
自君之出矣夢度關山隔願爲雙龍劍隨君遠行役
自君之出矣空庭發華滋折得同心蕊聊以寄相思
自君之出矣不復繡鴛鴦深情託錦瑟欲訴不成章

自君之出矣不復登層樓
羌笛無端奏有人樓上愁
自君之出矣妬煞梁燕雙
愁緒紛朝夕月明又到窗
自君之出矣不復理新妝
爲憐嫁時鏡照影不成雙
自君之出矣無聊理繡絲
怕綰同心結偏成連理枝
自君之出矣細雨簇芳塵
鷓鴣花裏喚愁煞倚闌人
自君之出矣花事已零星
愁病非關酒酒醒愁難醒

閩中偶成

炎風融融散平野
閩南三月已如夏
石榴吐豔茉莉香
繞徑更有秋海棠
誰家開得四時桂
秋風未起花先綴
無言獨向月中看
一片幽香染衣袂

久不接家書作此解悶

萬里關山客路遙征雲漠漠水迢迢衰親望眼今猶昔
遊子含愁暮復朝遠信欲催過嶺雁離懷怕聽隔溪簫
夜來幸有還鄉夢骨肉團圓慰寂寥

月下小飲有感

朗月盈盈入杯底花影滿階扶不起閒吟獨坐百花中
幾竿修竹搖微風長空星斗何寥濶我所思兮在天末
姮娥寂寂悄無聲一片春雲向空活

擬古詩六首

擬行行重行行

判袂陟長道感感思彌深此行將何之振策越崇岑
高音容隔俛仰若飛沈遊鱗潛重淵倦鳥懷故林行人
日已遠魂夢渺追尋曉月隨征旆晨霜沾素襟望遠增
悽愴傾想結寸心飛鴻從北至報我瑤華音誰云道塗
苦泉壑有鳴琴

擬今日良讌會

朝遊曲水池夕讌宜春館躡蹠趙女歌激楚秦娥彈輝
燭嬌穹廬餘音遏霄漢歌咏快心意胸羅星斗燦妙語
發天機四座同歡宴芳醕傾霞觴悅愉恆忘旦爲樂當
及時勿貽華髮歎

擬涉江采芙蓉

菡萏媚漣漪
葍葍吐華姿
褰裳褹芳英
欲寄心所思
佳人渺天末
徘徊將何之
感物懷隱憂
含愁當語誰

擬迢迢牽牛星

曖曖星月輝
盈盈河漢曙
眷戀牛女情
經年一相顧
嬾婉未終夕
遙波阻修路
含情理機杵
淚漬機中素
素絲似妾情
纏綿自旦暮
離會永無終
兩心結幽慕

擬蘭若生朝陽

蘭蓀抱露勁
葵心向日傾
別君愁方鮮
寒霜倏已清
不辭舜華落
所思在長征
妾似階前蕙
君如池上萍
庭除

霏白露葳蕤轉芟莖願爲松與柏連理復同心

擬庭中有奇樹

嘉樹發春華枝葉自榮敷纖手摘瓊藥香露滴羅襦采
之寄與誰迺在天一隅相思不相見撫景獨躊躇

分韻菊影

夕陽西下又黃昏一抹疎陰冷畫屏霜徑離披迷蝶夢
風簾掩映亂花魂描來墨本香成暈鋪向蒼苔月有痕
似霧非煙銷不盡滿天秋思鎖重門

和慈親寄憶原韻

辭親遠行役宦海泛萍梗游子戀重闈中心彌耿耿月

落烏自啼夢破關山冷芳草被華池天桃媚綺井浮雲
障前山山容睡未醒

再疊前韻

護草樹芳墀萋萋抽素梗感物懷所親山川修且耿瞻
望陟高岡衣惹春雲冷願假乘風翼飛歸故鄉井伫立
以徬徨愁魔何日醒

三疊前韻

跪讀尺素書深情劇含梗倘能親顏色何辭道塗耿撿
點嫁時衣衣存金線冷慈烏噪風枝乳燕嬉露井憂思
無已時願醉不願醒

